

穆宗毅皇帝實錄(二)

卷五
同治二年
至卷八九

清實錄

第四六冊

中華書局影印

清實錄第四六冊目錄

穆宗毅皇帝實錄(二)

卷五四	同治二年正月上	四九三三
卷五五	同治二年正月中	四九三八
卷五六	同治二年正月下	四九三五八
卷五七	同治二年二月上	四九三七四
卷五八	同治二年二月中	四九四二
卷五九	同治二年二月下	四九四四三
卷六〇	同治二年三月上	四九四七〇
卷六一	同治二年三月中	四九四九〇
卷六二	同治二年三月下	四九五一五
卷六三	同治二年四月上	四九五三六
卷六四	同治二年四月中	四九五六九
卷六五	同治二年四月下	四九五九五
卷六六	同治二年五月上	四九六二四

卷六七	同治二年五月中	四九六四五
卷六八	同治二年五月下	四九六七六
卷六九	同治二年六月上	四九七〇〇
卷七〇	同治二年六月中	四九七一九
卷七一	同治二年六月下	四九七四二
卷七二	同治二年七月上	四九七七二
卷七三	同治二年七月中	四九七七九
卷七四	同治二年七月下	四九八〇四
卷七五	同治二年八月上	四九八二五
卷七六	同治二年八月中	四九八四六
卷七七	同治二年八月下	四九八七〇
卷七八	同治二年九月上	四九八九六
卷七九	同治二年九月中	四九九三
卷八〇	同治二年九月下	四九九四三
卷八一	同治二年十月上	四九九六二
卷八二	同治二年十月中	四九九八七
卷八三	同治二年十月下	五〇〇一四

卷八四	同治二年十一月上	五〇四五	卷八三	同治二年十月中	五〇四四
卷八五	同治二年十一月中	五〇七五	卷八二	同治二年十月中	五〇四三
卷八六	同治二年十一月下	五〇〇八	卷八一	同治二年十月上	五〇四二
卷八七	同治二年十二月上	五〇三六	卷八〇	同治二年十月中	五〇四一
卷八八	同治二年十二月下	五〇五五	卷七九	同治二年十月中	五〇四〇
卷八九	同治二年十二月下	五〇七八	卷七八	同治二年十月中	五〇三九
卷九〇	同治二年十二月下	五〇八一	卷七六	同治二年十月中	五〇三七
卷九一	同治二年十二月下	五〇八四	卷七五	同治二年十月中	五〇三六
卷九二	同治二年十二月下	五〇八七	卷七四	同治二年十月中	五〇三五
卷九三	同治二年十二月下	五〇九〇	卷七三	同治二年十月中	五〇三二
卷九四	同治二年十二月下	五〇九三	卷七二	同治二年十月中	五〇三一
卷九五	同治二年十二月下	五〇九六	卷七一	同治二年十月中	五〇三〇
卷九六	同治二年十二月下	五〇九九	卷七〇	同治二年十月中	五〇二九
卷九七	同治二年十二月下	五〇一〇二	卷六九	同治二年十月中	五〇二八
卷九八	同治二年十二月下	五〇一〇五	卷六八	同治二年十月中	五〇二七
卷九九	同治二年十二月下	五〇一〇八	卷六六	同治二年十月中	五〇二五
卷一〇〇	同治二年十二月下	五〇一一一	卷六五	同治二年十月中	五〇二四

大清穆宗繼天開運受中居正保大定功聖智
誠孝信敏恭寬毅皇帝實錄卷之五十四

同治二年癸亥春正月戊申朔
上詣
奉先殿行禮○遣官祭
太廟後殿○詣
大高殿
壽皇殿行禮○詣錢履殿
慈安皇太后前行禮平安室
慈禧皇太后前行禮○是日不御殿受賀王大
臣於乾清門外眾官暨朝鮮國使臣等於午
門外行禮○實授吏部左侍郎張之萬河南

巡撫○擢江蘇候補知府劉卹膏為按察使
○以記名道萬啟琛為安徽按察使○己酉
上詣錢履殿問
慈安皇太后安平安室問
慈禧皇太后安至丙子皆如之○諭內閣徐桐
著授鍾郡王讀○諭議政王軍機大臣等崇
厚奏南宮緊急調兵扼堵並文煜奏擊賊於
胡賈村目寨各摺片據奏崇厚於十二月二
十九日馳抵南宮縣催調後起春霖所帶馬
步官兵並谷令文煜飛撥馬隊兜剿擬暫紮
南宮縣城居中策應請飭文煜所督兵勇前
截後追等語合之文煜所報賊於二十四五
等日由成安竄至邯鄲闖入縣城復即奔竄
二十六日姜國仲余承恩等帶領兵勇迎至
永年縣北胡賈地方擊之獲勝並於是夜賊
屯目寨乘勢掩擊賊由東北奔竄難澤一帶
等情形是賊又由難澤一帶東北竄至南宮
縣境崇厚自應乘催後路春霖所帶之兵迎

頭截擊。並卽檄催姜國仲、余承恩等兵勇。緊跟追。薩薩布帶領馬隊京兵。於二十六七日。已行抵順德。文煜令由任城馳赴鉅鹿。與姜國仲等南北兩路夾攻。於地勢軍情。是否悉協。成保此時應亦趕到。卽著崇厚與之商同調度。四面兜圍。無難乘我兵新銳。一鼓殲除。惟直東邊界伏莽甚多。崇厚所奏南宮之賊。是否卽係文煜所奏竄至雞澤一股。抑係另股。著崇厚確切探明具奏。如股數不少。卽

須分兵勦辦。應如何分布堵擊之處。卽與成保妥籌辦理。崇厚務當懷遵前奉諭旨。實力圖功。毋蹈瞻徇欺飾種種惡習。嗣後軍前事宜。並著與成保聯銜具奏。文煜摺片均著發交崇厚閱看。將此由六百里諭令知之。○調工部左侍郎單懋謙為吏部左侍郎。卽以大理寺卿曹毓瑛為工部左侍郎。○以刑部左侍郎齊承彥署戶部右侍郎。管錢法堂事。吏部右侍郎孫葆元署管戶部三庫事。○以光祿

寺卿潘祖蔭署宗人府府丞。○展緩直隸開東明長垣武清薊東安東鹿安任邱青靜海滄南皮鹽山晉鉅鹿永年邯鄲成安廣平元城大名南樂新豐豐潤玉田衡水柏鄉甯晉深武強饒陽肥鄉雞澤磁三十五州縣被擾地方額賦有差。○庚戌。

高宗純皇帝忌辰。遣官祭

裕陵。○諭內閣御史孟傳金奏據署侍郎王發桂聲稱。前往同鄉王姓宅內慶賀。見有一人

陪坐。頭戴藍頂。身穿貂褂。查詢旁人。知係前任安徽巡撫王植之門丁陳姓。卽陳小山等語。僕隸下人。分居卑賤。何以藍頂貂裘。儼然與長官抗禮。殊駭聽聞。著王發桂查明陳小山是否捐有官職。抑係冒充職官。交巡城御史照例辦理。○諭議政王軍機大臣等。崇厚奏賊撲南宮。旋即竄逸。譚廷宸奏擬飭宋景詩赴淄川勦賊。並催德楞額等專剿南捻。各摺片。直隸匪徒糾眾攻撲南宮縣城。現雖竄

逸究未大受懲創。薩薩布已抵南宮。興福等所帶馬步先後可到。成保所統馬隊亦抵甯晉。諒卽日可以到齊。但兵分力薄。此股匪徒。輒忽靡定。著崇厚晤商成保。統籌全局。分途兜剿。趁此該署督初到之後。申明賞罰。一鼓作氣。以期剋日剿除。不得徒託空言。仍蹈文煜等覆轍。宋景詩所部。如無不法情事。准其調赴淄川助剿。以贖前愆。該前撫務飭在事員弁。嚴為防範。如再有反側。惟譚廷襄是問。

黃國瑞圍攻長城。兵力已敷布置。德楞額富和。自應恪遵前旨。追剿李城股匪。何以譚廷襄節次飛催。尚無跟蹤覆信。是德楞額等有怠延。不遵調度。挾從前被參之嫌。以縱賊為報復。如此居心。看來不能受朝廷保全之恩。著譚廷襄傳旨嚴行申飭。如再不實力追剿。卽著據實奏聞。候旨懲創。以肅軍律。其長城匪眾。並著嚴飭黃國瑞迅卽殲除。張錫珠股匪。據譚廷襄奏稱尚在館陶。其南宮等處

匪徒。是否卽係該匪黨與。張玉懷究在何處。並著崇厚確切查明具奏。再本日據孟傳金奏冀州牧丁學易性耽安逸。以致民團破敗。各等語。並著崇厚查明奏聞。其餘該御史所陳。勦賊各情。雖文理未能通暢。議論亦未見切實。惟崇厚初次權篆封疆。遇事尤應格外留心。原摺著鈔給閱看。如有可採擇之處。亦不當以人廢言也。將此由六百里各諭令知之。○又諭唐訓方奏偵探巢縣賊情。及派兵

勦撫捻圩各等語。運漕鎮踞匪。經蕭慶衍督軍會同水師攻克。向銅城牘遁去。而巢縣逆黨踞守如故。將來水陸官軍會攻巢縣。該逆勢必窮蹙思竄。唐訓方自應督飭張得勝。扼住梁園。嚴防竄越。定遠縣西鄉土匪。雖經攻毀四圩。招撫餘匪。仍應防其反側。著唐訓方飭令唐啟虞會同該縣知縣李益林嚴密稽查。如稍有蠢動。卽趕緊撲滅。毋令勾結為患。王才秀等進軍蒙城。誘殺擒首。進官標等先

復收撫賊圩二十一處。官軍聲勢甚重。著卽激勵將士。迅將西陽高鎮一帶捻圩攻拔。以期節節掃蕩。會合僧格林沁所部直搗捻巢。廓清皖境。唐訓方另片奏三河尖釐局向係接濟臨撫兩營軍餉。副勝保帶兵援緝。在三河尖北岸立卡抽釐。李續宜遂於南岸設局。現在勝保被逮。北岸釐局應歸皖營接辦。請飭河南撫臣無庸派員設局等語。三河尖本係皖省地面。該鎮既有兩局。自未便再行添

設。重累商民。所有張之萬前請於三河尖設立釐局之處。著卽停止。將此由五百里各諭令知之。○辛亥。諭議政王軍機大臣等。都興阿奏裁撤水師舊船。並布置江防情形一摺。據稱江防師船。並新調紅單船。及在楚打造長龍船。礮船。共四百六十三隻。茲酌量裁撤。朽爛紅單拖罾各船。共一百二十九隻。以節糜費。惟師船月餉積欠甚多。紅單船既已裁撤。必應裁給舊欠。由兩廣總督補發。並先由

蘇撫籌給口糧。俾作川費。拖罾等船亦應酌給遣散各等語。此項欠餉。自係萬不可緩之需。著晏端書於所裁紅單師船到粵時。按照糧臺冊冊查明積欠船價。勇糧。照數補發。並著曾國藩、李鴻章先行飭司籌給一月口糧。俾作回粵路費。其拖罾各船。迅速籌給前欠。以資遣散。所有裁撤師船著責成統帶回粵之陳國泰將船戶夫役人等。妥為彈壓照料。免致沿途滋事。現在逆賊時思紛竄。江防極

關緊要。都興阿所奏按段分撥防守情形。布置尚屬周妥。卽著照所擬督飭吳全美、李起高等責成派出之參將梁正源等嚴密防範。廣東新到師船。尚須訓練。並著吳全美責令各統領嚴申紀律。勤加操演。禁絕騷擾。俾成勁旅。將此由五百里各諭令知之。○又諭。張之萬奏汝軍分路勦賊獲勝一摺。陳大湛被勦回窰桐境。游弋於固鎮吳城一帶。與林振山匪徒勾結。現在張曜督率馬隊追至平昌

聞著張之萬會同毛昶熙嚴飭該總兵調集步隊探蹤前進會合各路兵團四面兜圍毋令再行竄逸邢集踞匪負隅未下疊經李續燾進兵擊敗並著飭令該總兵趕緊合圍盡殲醜類如邢集業已得手卽飛調李續燾一軍分兵西進為張曜後路策應其汝東一帶伏莽尚多仍著飭令陳祿興等扼守岳城一帶鎮壓就撫各寨以防反側張之萬現調袁甲三舊部來汝並調余際昌全隊馳回汝郡

該撫等務當酌度緩急相機策應肅清南圍以副委任將此由五百里各諭令知之○以江西廣豐縣捐輸軍餉永廣學額二名○以勦賊勇敢賞河南守備王文行已圖魯名號○予浙江紹興傷亡洋將勒伯勒東祭葬世職加等○貸河南永城汝陽正陽新蔡確山信陽六州縣難民兩月口糧○壬子諭議政王軍機大臣等崇厚奏賊竄冀州境內請增兵籌餉迅速勦辦一摺現在各起馬步兵勇

陸續到齊著崇厚飭令星夜馳赴冀州以北繞出賊前會合堵勦成保所帶京營馬隊四百名已至南宮著卽會商該副都統妥籌調度於要隘地方設伏邀擊毋令再行竄越其調赴山西之後起馬隊官兵二百五十名著准其暫留直隸軍營歸成保薩薩布統帶以厚兵力俟直境匪勢稍鬆仍飭赴山西防所天津所練京綠各營洋槍隊原較各營兵勇更為得力至原教之外國兵弁在海口百姓

習見不驚今令隨同前赴軍營恐畿南各處人情疑懼該署督務當嚴為約束俾兵民得以相安如大股迅就撲滅卽將洋槍隊仍調回天津練習不得久留以節經費所籌寬備糧餉各情均著照所議辦理將此由五百里諭令知之○又諭曾國藩奏欽奉疊次諭旨併案覆陳一摺所陳察看苗練滁軍及上游水師未能分紮下游學習洋人兵械禁約軍士屠掠各條籌畫均屬周至金陵城外各賊

壘現尚死力抗拒各路賊勢如偽忠逆侍逆等股均尚未卽窮蹙原難遽冀賊之獻城乞降其中如有自拔來歸者該大臣自必能嚴禁屠戮以為隨時解散之方也壽正防軍之撤原係移緩就急現在該練尚無踞城以叛之跡或係因僧格林沁之軍勒擒亳州相離尚不甚遠自足以資控制惟將來僧格林沁一移他處則苗練無所鈴束勢必又生枝節該大臣等總宜豫為之所設法散其黨與使

日後不能再有反側方為妥善李世忠桀驁未化朝廷亦所深知該大臣所陳委曲優容各節具見苦心然亦不可不隨時隨事量為裁制滁營餉銀子藥等件固宜陸續接濟若如那勒豐阿等遣撤官兵被其卡員阻毆等事亦未可專事姑容李世忠為部眾所蒙蔽尤當使其早自儆省以為保全著曾國藩嗣後察看如該提督有必須加懲究之處著卽據實奏明辦理所稱上游水師楊岳斌等各

備巢湖東壩之賊不能移紮下游自屬實在情形均如所奏辦理外國銅冒自來火既飭工匠試造卽可於造成後飭令各營演放熟習以利攻勦另片奏近日各軍情均已覽悉韋志俊進攻青陽既未得手朱品隆之軍由池州繼進著卽飭令迅克青陽以期次第掃蕩太平石埭等股賊氛俾金陵之賊羽翼漸除庶可徐圖進取將此由五百里諭令知之○以湖南東征局官紳籌餉出力予升仕道

員惲世臨等加銜升敘開復有差○蠲緩山東臨清濟甯厯城鄒平長山長清德平原東東平東阿平陰惠民青城陽信樂陵霑化鄒滕汶上陽穀單定陶鉅野濮觀城聊城費聊城堂邑茌平莘館陶高唐樂安壽光昌樂臨朐嘉祥章邱齊河齊東濟陽臨邑泰安海豐蒲臺曲阜泗水壽張荷澤城武曹鄆城蘭山郟城莒沂水博平清平冠恩益都臨淄博興邱魚臺六十六州縣暨德州東昌臨清濟甯

四衛東平所被水被旱被風被蟲被擾地方
本年額賦並租課有差○畿徵兩淮富安
豐梁垛東臺河垛丁溪草堰劉莊伍佑新興
廟灣板浦中正臨興十四場被水寔地上年
額賦有差○癸丑諭議政王軍機大臣等穆
騰阿奏抵任察看省垣布置情形請派員赴
陝署理副都統並籌發旗兵餉銀各摺片穆
騰阿現已行抵省垣所有西安防堵事宜卽
著商同瑛榮嚴密布置實力巡防毋稍疏懈
城北濠池平淺無水瑛榮何以不早行挑挖
其平日之因循廢弛漠不關心已可概見著
卽起緊飭令民夫挑挖深通設法引水以資
憑守回匪距城一二十里外時以游騎往來
壓遏糧道城內百物昂貴穆騰阿瑛榮務當
挑選兵勇不時出城巡邏遇有匪蹤卽行痛
擊以期疏通餉道不得閉關自守致成坐困
前因平利賊勢猖獗諭令馬德昭馳赴該處
迎剿續因甯陝廳告警諭令多隆阿酌度情

形或親帶兵勇或酌撥精兵交馬德昭統帶
前往計馬德昭此時已可起程省垣兵力既
分恐回匪窺伺撲城益形猖獗著多隆阿仍
行撥兵馳赴西安協同防剿該大臣督辦陝
西全省軍務責無旁貸務當妥籌兼顧不得
顧此失彼西安駐防旗兵欠餉已及兩月著
瑛榮趕緊籌撥款項設法接濟嗣後月餉務
當按四成實銀發給儘再推諉膜視致令士
氣不振惟瑛榮是問穆圖善現在同州督兵
勦賊德興阿現防蒲津均難卽赴任所西安
駐防旗營需人著英桂飭令伊昌阿前赴西
安暫署副都統幫同穆騰阿辦理俟省城防
務稍鬆再往烏什本任將此由五百里各諭
令知之○

上以孟春時享

太廟自是日始齋戒三日○甲寅

世祖章皇帝忌辰遣官祭

孝陵○諭內閣現在記名水師總兵將次用竣

著兩江閩浙兩廣總督於水師副將內遴選堪勝水師總兵者各保奏數員候旨記名簡用其水師參將遊擊都司守備各員如有材藝出眾可備器使者並著覈實開單具奏曾國藩所部內江水師向稱得力都興阿督辦揚防所統水師將弁不少各該營自聽兵以下各員其謀勇兼優熟悉風濤沙線堪膺外海水師之任者定不乏人均著出具考語據實具奏以備錄用○又諭前因升任給事中

林壽圖奏參福建藩司裕鐸等狎妓荒謔等款前任閩浙總督慶端含糊覆奏一味欺飾諭令耆齡等秉公審辦嗣又據御史朱潮奏參捐局委員章琮等營私舞弊並曾國藩奏遵查慶端袒庇私人聲名甚劣復經諭令耆齡等嚴密查參茲據奏稱藩司裕鐸等在紳士姚鏡國家挾妓飲酒一節據妓女翠英優人秀林先後指證確實其捐務積弊查出官吏分用部飯火耗銀兩各情請分別革審監

追各等語此案藩司裕鐸等被參貪劣各款或供證確鑿或案據分明該官吏等猶敢飾詞強辯顯係恃符狡展若不從嚴懲辦何以肅吏治而整紀綱除章琮李鼎胡斌朱仁來墳屠莖姚鏡圖葉經革職外解任藩司裕鐸候補道劉翊宸與臬永道秦金鑑候補知府陳謙恩王慶成知縣王柄曹學偉著一併先行革職交耆齡徐宗幹提同全案人證嚴行審訊務得確供按律擬辦至章琮陳謙恩等

尤為刁健並著加以刑訊至該員等侵吞項銀兩著照耆齡等單開各數著落追賠其劉翊宸秦金鑑應追之款既據聲稱設措完繳卽責令迅速繳清其始終玩抗之章琮朱仁來墳李鼎曹學偉陳謙恩書吏林玉堂等並著照例監禁勒限一箇月如數追完丁憂道員司徒緒英樸丁憂革員屠莖均已各回旗籍並著該部行文該旗籍查取親供咨明福建歸案辦理並將屠莖解往福建勒追應

繳款項。杭州將軍前任閩浙總督慶端任用私人多方袒庇。於屬員荒淫飲譙。侵利營私。毫無覺察。迨經降旨交查。仍敢代為徇隱。實屬欺罔。著交部嚴加議處。尋議慶端應照溺職例革職從之。○又諭崇厚奏請將目力昏花步履艱澀之冀州直隸州知州丁學易勒令休致等語。丁學易現有被參各款。著先行革職。仍交崇厚從嚴審辦。○諭議政王軍機大臣等崇厚奏賊勢鳴張。連日追剿情形一

摺。另片奏飛催宋景詩來營調遣等語。張錫珠股匪竄陷武邑。經姜國仲等揮軍進逼。收復縣城。該匪向東南竄走。馬匹甚多。行蹤飄忽。全賴馬隊官兵追躡。乃薩薩布所帶馬隊六百名不遵該副都統調度。被匪衝散。若不申明紀律。奚以整飭戎行。著崇厚成保確查此次接仗首先遁逃之將弁。及不遵號令之官兵。卽在軍前正法。以肅軍令。大名鎮標兵在何處滋事。崇厚自應將約束不嚴之該管

官據實參奏。並將首先滋事之兵勇查拏正法。毋得稍涉寬縱。宋景詩回東省後。譚廷襄前有調赴淄川之奏。現在直隸防剿喫緊。著照崇厚所請。准其催調來營。並著譚廷襄速飭宋景詩趕緊督隊啟行。惟宋景詩降罪。與張錫珠本係舊讐。安知張錫珠不與之通信糾合。惟在崇厚詳加審度察看。其實能出力與否。隨時妥為駕馭。毋稍大意。布特哈等馬隊天津洋槍隊計先後趕到。兵力不為不厚。

該署督務當激勵諸軍及各路團勇分投截擊。盡殲醜類。通賊貽誤。縱兵搶掠之王恩第、李鴻塤、伊綿阿等並交查之案。該署督當迅速遵旨分別嚴行查辦。以懲其餘。豈可延緩姑容。致玩法者毫無儆懼。昨據寶山奏已自古北口起程。著該署督迅卽飛催前進。俾得會同祝塏辦理軍務。將此由六百里各諭令知之。○又諭據張凱嵩奏官軍計擒逆首。收復蓮塘一摺。蓮塘地稱險要。該逆負隅日久。

前經劉長佑勦撫兼施已有端緒張凱嵩接辦以來卽能使將士不稍鬆懈剋期收復洵屬不負委任惟官軍所殺逆匪無多其中必有逃竄伏匿各匪張凱嵩務飭各軍實力挖捕毋使官軍凱撤卽復萌滋擾漳州軍務現在漸已得手劉坤一到後卽著飭令將黃逆殲除其餘容縣之范亞音永淳之孫仁廣永康之吳凌雲各股匪亦當次第殲滅該撫肅膺疆寄務宜事事實心實力認真辦理朝廷

蕩如兵力不敷卽添撥內地官軍迅速渡臺以資勦辦至臺灣餉需並著該督等趕緊設法籌濟洪毓琛現在郡城一切籌防及餉項事宜仍著悉心籌辦就現有兵力分投攻勦不得專恃援師致匪勢日形猖獗將此由五百里諭知耆齡徐宗幹並傳諭洪毓琛知之○以正白旗滿洲副都統文盛暫署鑲藍旗護軍統領○廣東陽江鎮總兵官黃禮鈐因病解職以記名總兵官任星元為廣東陽江鎮總兵官○擢記名道張銓慶為福建布政使○以廣西勦匪獲勝收復蓮塘賞副將黃仲慶巴圖魯名號道員易元泰守備謝繼貴花翎千總馮鼎有藍翎餘升敘有差○乙卯上以孟春時享太廟前期親詣行禮○諭內閣沈葆楨奏請將藉辦捐輸影射蒙混之知縣懲處一摺江西代理貴溪縣知縣陸長慶藉捐米為名輒敢將邵姓捐項侵蝕二千兩之多迫經該管道

府及捐局委員舉發詳請撤任陸長慶見事已敗露復以邵姓等所捐銀兩係捐濟浙江布政使蔣益澧軍餉稟請蔣益澧委員守催藉端蒙混實屬狡詐已極陸長慶著卽行革職永不敘用並勒令該革員將前項捐銀自行措解以濟軍需不准稍有延宕○諭議政王軍機大臣等多隆阿奏移營進逼賊巢並興安府城被圍甚急各情形一摺多隆阿自抵同郡後督軍疊破賊營回眾技窮屢次上稟求解並有投賊之鮮玉農哈連陞等先後遞稟乞和多隆阿分別批斥所辭甚是現在王閣村羌白鎮附近賊營均被官軍焚毀該匪勢已窮蹙著卽激勵諸軍乘勝進攻老巢將陝省東路各匪次第削平其涇陽咸陽各回巢自不難迎刃而解瑛榮將新募四營留省防守該撫務當內察奸細外捍逆氛毋得有名無實髮逆陳得才等竄撲興安府城有賊營四十餘座郡城勢甚危急多隆阿進逼

回巢正當喫緊恐難親督兵勇前赴興安著仍遵前旨酌派勁旅交馬德昭統帶由子午谷迎勦曹逆節節掃蕩馳解興安之圍瑛榮務當催令馬德昭兼程前進馬德昭亦當振刷精神力圖報稱興安毗連楚境梁作楫等自應就近馳援著官文嚴樹森嚴飭該道員等懍遵疊次諭旨迅卽馳出賊前遏其北竄仍分派得力將弁會同興安兵勇力解城圍如該員等遷延不進定當從重治罪並將官文等嚴行懲處漢中藍逆未除甯陝復有川匪滋擾著駱秉章速派知兵大員馳赴陝境先將曹逆殄除相機援勦以助陝省兵力之不及川陝唇齒相依諒該督必不稍分畛域也多隆阿另片奏請將戴驚翔祥恩解交刑部嚴訊治罪等語著多隆阿派員將該革員等解赴山西省城交愛仁王茂蔭就近嚴訊至前交多隆阿查辦之案類似祥恩戴驚翔者如多隆阿亦因軍務紛繁難於兼辦並著

一併移交愛仁等嚴行訊辦至聞丕敏施鵬二員罪無可逭著多隆阿於審明後卽行正法鮮玉農前經投賊甚屬可惡哈達陞在潼關紮營被賊擄去朝廷方深惋惜謂其必能殉節不料此次尚列名遞稟求撫如此稟非出自逆回捏造則哈達陞之甘心從逆百喙難辭實屬罪不容誅著多隆阿訪查確實再行具奏將此由六百里各諭令知之○又諭多隆阿自接辦陝西軍務以來覽其所奏留

心體察該大臣於陷陣衝鋒頗有將才而於諸事未能通籌全局卽如勝保所部固多桀驁不馴之輩亦當次第遣撤乃旬日間遣歸兵勇已至七起之多卽不免操之過蹙現在成事不說以後必須事事謹慎方能膺茲重任該大臣身在行間於辦理文案未能親自料理必得公正和平能顧大局之員方可與之參酌軍務辦理合宜否則執持偏見甚至倚勢作威口中之所念或非奏牘中所書該

大臣尤不可不防其弊務當隨時與官文嚴樹森相商訪求正人辦理文案斷不可先橫成見於胸偏聽獨任致有債事現在督軍進剿前有強悍逆回後無策應勦旅內防疑貳之兵外慮勾結之捻必須謀定後動計出萬全該大臣前在楚皖均有威望然當時尚有官文等為之調度故能樹立勛名現在獨當一面尤應虛懷集益不可稍存自是之念一切顧全大局不可意存見小稍自滿假朝廷

於該大臣拔自行間畀以統帥不憚諄諄教誡庶幾廓清全陝早奏膚公儻該大臣自謂身為統帥高自位置驕矜自滿則何以克當名將該大臣當時引勝保以自儆省本日據該大臣奏稱目不交睫者三十餘日自因軍情緊急寢食俱廢然該大臣為國宣勤膺茲鉅任亦當倍加慎重以副愛惜成全之意將此由六百里密諭知之○又諭前因多隆阿奏副都統祥恩有寄頓勝保貲財情事該將

軍遵旨派員前往查訊祥恩輒將派去員弁
毆相當經降旨將祥恩革職查抄交多隆阿
嚴訊復因道員戴鸞翔在勝保軍營舞弊將
該員革職歸案審辦茲據多隆阿奏該二員
屢經研訊堅不吐實請解部嚴審等語本日
已諭令多隆阿將該二員押赴山西並將原
案供招一併移送卽著愛仁王茂蔭秉公嚴
審確情按律定擬具奏祥恩戴鸞翔均係業
經革職之員如再堅不吐實著卽以嚴刑審

訊將此諭令知之○丙辰享

太廟遣醇郡王奕譞恭代行禮○遣官祭

太廟後殿○遣官祭

太歲之神○諭內閣沈葆楨奏請將不諳文
理之同知等官勤休一摺各省佐貳州縣等
官均有地方公事若文理不能通曉必至文
移訟牒為胥吏蒙蔽貽誤實非淺鮮江西九
江府同知博恩南安府同知唐廷銓瑞金縣
知縣胡長芝試用知縣袁樹柄陳大文吳光

棠均屬不通文理著卽一併勒令休致○湖
北巡撫嚴樹森奏本年舉行大計部文未到
應請展限辦理從之○降調兩廣總督勞崇
光奏本年廣西軍政請俟軍務稍鬆展限舉
行從之○調奉天府府丞程祖誥為鴻臚寺
卿鴻臚寺卿王映斗為奉天府府丞兼提督
學政○命江西學政馮譽騏福建學政屬恩
官山西學政洗斌湖南學政白恩佑來京以
右春坊右中允何廷謙提督江西學政翰林

院修撰章鑒提督福建學政編修黃鈺提督
山西學政左春坊左中允錢寶廉提督湖南
學政○以湖南均州等處禦賊出力予知州
熊登瀛知縣應鑾階林瑞枝升敘○以湖北
隨州京山應城各城被賊竄陷旋即收復革
代理知州馬元曠署知縣張慶雲職免治罪
署知縣景匯革職留任○丁巳諭內閣前因
耆齡及御史華祝三先後奏參勞崇光任用
非人調度乖方各款當交穆克德訥羅敦行